

四庫全書

集部

欽定四庫全書

文苑英華卷三百二

宋 李昉等 編

悲悼二

哭人三十八首

沈約一首

陶弘景一首

何胥二首

庾信二首

薛德音一首

張正見一首

陰鏗一首

江總二首

劉斌一首

孔紹安一首

褚亮二首

王勃一首

盧照隣三首

駱賓王一首

沈佺期一首

崔融一首

鄭愔一首

杜審言一首

趙彥昭一首

李乂一首

喬知之一首

宋之問二首

蘇頲二首

張九齡一首

王維六首

悼亡

沈約

去秋三五月今秋還照梁

一作房

今春蘭蕙草來春

或作明春

復吐芳悲哉人道異一謝永銷亡簾屏既毀撤

一作屏筵空有

設帷席更施張遊塵掩虛座孤帳覆空牀萬事無不盡
徒令存者傷

此詩三百一卷重出今已削去注異同為一作

和約法師臨友人

陶弘景

我有數行淚不落十餘年今日為君盡併灑秋風前

傷章公大將軍

何 胥

百萬橫行罷三十白日新短簫應出塞長笛反驚隣
槐庭慘芳樹舞閣思陽春所悲金谷妓坐望玉闌人

哭陳昭

前 人

思人適舊館寂寞非一源無復酣歌樂空餘燕雀喧
落暉隱窮巷秋風生故園撫孤空對此零淚欲奚言

傷王司徒褒

庾 信

昔聞王子晉輕舉遂神仙謂言君積善還得嗣前賢四
海皆流寓非為獨播遷豈意中台裂君當風燭前王君
鍾鼎族江東三百年寶刀仍世載凋戈本舊傳綠紱紆
槐綬黃金侍飾蟬地建忠臣國家開孝子泉自能枯木
潤足得流水圓以君承祖武諸侯無間然青衿已對日
童子即論天穎陰珠玉麗河陽脂粉妍名高六國共價
重十城連辯足觀秋水文堪題

都年切說文
曰走頓也

馬鞭迴鸞

抱書字別鶴繞琴絃擁旄裁回服垂帷非被邊靜亭空

擊馬閑烽直起煙不發披書按無妨坐釣舡茂陵忽多
病淮陽實未痊侍醫逾默默神氣遂綿綿永別張平子
長理王仲宣栢谷移松樹陽陵買墓田陝路秋風起寒
堂已颺馬邱陽一搖落山火即時燃昔為人所羨今為
人所憐世途旦復旦人情玄又玄故人傷此別留恨滿
秦川定名於此定全德以斯全唯有山陽笛悽余思舊
篇

和王少保遙傷周處士

前人

冥漠爾遊岱悽涼余向秦雖言異生死同是不歸人昔
余仕冠蓋值子避風塵望氣求真隱伺闕待逸民忽聞
泉石友芝桂不防身悵然張仲蔚悲哉鄭子真三山猶
有鶴五柳更應春遂令從渭水投弔往江濱

悼亡

薛德音

鳳樓簫曲斷桂帳瑟絃空畫梁纔照日銀燭已隨風苔
生履跡處花沒鏡塵中唯餘長簾月永夜向朦朧

傷韋侍讀

張正見

懷經傳北海蘊義盛西河高峰落迴照逝水沒驚波柳
下悲風急山陽秋氣多宿草推書帶寒松脆女蘿無復
華陰市空餘蒿里歌

和悼亡

拱晉陽傷妾
類聚陽作陵

陰鏗

畫梁朝日盡芳樹落花辭忽以千金笑長作九泉悲鏡
前塵劇粉機上網多絲戶餘雙入燕牀有一空惟名香
不可得詎見反魂時

在陳旦解醒共哭顧舍人

江總

見類聚

獨酌一樽酒高詠七哀詩何言蒿里別非復竹林期
階荒鄭公草戶闐董生惟人隨暮槿落客共晚鶯悲年鬢
兩如此傷心詎幾時

和張記室源傷往

集作傷
佳人

前人

少類聚
作小婦當壚夜夫婿凱師

集作
歸

年正歌千里曲翻入

九重泉機中未斷素瑟上本雷絃空帳臨窓掩孤燈向

壁燃還悲寒壘曙

集作
樹

松短未生煙

和許給事傷牛尚書宏

劉斌

見初
學記

名臣不世出百工之所求况乃非常器遭逢興運秋符
彩昭千里銓衡綜九流經綸資博物樽俎寄皇猷韶漢
傾復理典禮紊還脩雖貞棟梁任兼好藝文遊佇聞和
鼎實行當奉介邱高衢翻稅駕閱水遽遷舟傳呼更何
日曳履聞無由歸魂藐修路征棹艤邗溝林薄長風慘
江上寒雲愁夜臺終不曙遺芳徒自留

傷顧學士

孔紹安

迢遞雙嶠道超忽三川湄此中俱失路思君不可思遊

人行變橘逝者遽焚芝憶昔江湖上同詠子衿詩何言
陵谷徙翻驚隣笛悲陳根非席卉總帳異書帷與善成
空說殲良信在茲今日嚴夫子哀命不哀時

傷始平李少府正已

褚亮

勞息本相循悲歡理自均誰能免玄夜惜爾正青春邁
德誰家寶生才諒國珍高文綴翡翠茂學掩麒麟述作
紛無已言談妙入神斷腸雖累月分手未盈旬輔嗣俄
長往顏生即短辰聲華滿昭代形影委窮塵禪草迴中

使生芻引弔賓同遊秘府日方駕直城闈並拜黃圖右
分曹清渭濱風期嵇呂好存沒范張親虛座懷王述遺
篇慟景純精靈與豪翰卜祀壽何人

在隴頭哭潘學士

前人

隴底嗟長別流襟一慟君何言幽咽所忽作死生分轉
蓬飛不息悲松斷更聞誰能駐征馬回首望孤墳

傷裴錄事喪子

闕

焚芝

集作
芝焚

王勃

蘭堦霜候早
松露空臺深
魄散珠胎沒
芳銷玉樹沉
露文晞宿草
烟照慘平林
焚芝空歎息
流恨滿籬金

哭金部韋郎中

盧照隣

金曹初受拜
玉地始含香
翻同五日尹
遽見一星

集作是

星

亡賀客猶扶路
哀人遂上堂
歌筵長寂寂
哭位日蒼蒼
歲時賓徑斷
朝暮雀羅張
書留魏主閣
魂掩漢家牀
徒令永平地
千載罷撞郎

哭明堂裴主簿

前人

締歡三十載通家數百年播揚稱代穆秦晉忝姻連風
雲洛陽道花月茂陵田相悲復相樂交騎共交筵始謂
調金鼎如何掩玉泉黃公酒壚處青眼竹林前故琴無
復雪新樹但生煙遽痛蘭襟斷徒令寶劍懸客散同秋
葉人亡似夜川送君一長慟松臺路幾千

同崔錄事哭鄭員外

前人

文學秋天遠郎官星位尊伊人表時彥飛譽滿司存楚
席光文雅瑤山

謂瑤山
玉彩

侍討論鳳詞陵漢閣龜辨罩周

園已暗東岳駕將逝北溟鯤如何萬化盡空嘆九飛魂
白馬西京驛青松北海門夜臺無晚集作箭朝莫有虛
樽一代儒風沒千年隴霧昏梁山送夫子湘水吊王孫
僕本多悲淚沾裳不待援聞君絕絃曲吞恨更無言

傷祝阿王明府

駱賓王

洛川貞氣上重泉惠政融含章光後烈繼武嗣前雄與
善良難駘生涯忽易窮翔鳧猶化履狎稚尚馴童錢滿
荒堦綠塵生集作虛帳紅夏餘將宿草秋近未驚蓬煙

晦泉門閉

集作夕

日盡夜臺空誰堪孤隴外獨聽白楊風

哭蘇眉州崔司業二公序

并

沈佺期

侍郎裴公

集作同時郎裴懷古者

作牧潭府神龍三

集作二

年秋八

月雲卿

集作佺期

承恩北歸路接寒溫

集作途中觀止

問

集作訪

及親

故適

集作遠

知眉州蘇使君味道國子崔司業融

集作有馳旋問

三
字相次而逝蘇往任鳳閣侍郎雲卿

集作佺期

忝通事舍人

崔重為鳳閣舍人雲卿遷給事中

集作佺期又遷給事

並承

集作銜

疇昔之眷俱荷提獎之恩前年負譴南荒

集作流

二公先

移官守迨此凶問情復

集作理

何堪所恨

集作嘆

遷竄有期

集作此四字

行邁在遠哀不展舊禮不申卑流慟斯文冀通

幽路

渙汗天中發伶俜海外旋長沙遇太守問舊幾人全國

寶亡雙傑天才喪兩賢大名齊弱歲高德並中年風鑑

王夷甫文章謝惠連

集作禮樂羊叔子文章王仲宣

相看尚玄鬢

集作髮

相次入黃泉流放蠻貊濶鄉關地里偏親朋雲霧擁生
死歲時傳崔昔揮宸翰蘇嘗濟巨川絳衣陪下列黃閣

謬差肩及此俱冥昧云誰叙播遷隼旗

集作
旗

懷故

集作
舊

轍鱸館想虛筵家愛方休杵皇慈更撤懸銘旌西蜀路

騎吹北邙田隴樹應秋矣江帆固

集作
故

杳然罷琴明月

夜留劍白雲天涕泗湘潭水悽

集作
淒

涼衡嶠烟古來脩

短分神理竟難全

哭蔣詹氏事儼

崔

融

見集
本

江上有長離從容盛羽儀一鳴百獸舞一舉羣鳥隨應
我聖明代巢君阿閣垂鈞陳侍帷宸環衛奉旌麾雅量

滄海納宏才
廊廟施養親
光孝道事主
竭忠規貞節
既已固殊榮
良不訾朝遊
雲漢省夕宴
芙蓉池汲黯
言當直陳平
智本竒功成
喜身退時往
惜年馳鎮國
山基毀中天
柱石移將軍
空有頌刺史
獨留碑蕪謾
藏書壁荒涼
懸劍枝昔余
參下位數載
忝牽羈置榻
息逾重迎門
禮自卑竹林
常接興黍穀
每逢吹逸翰
金相發清談
玉柄揮不輕
文舉少深歎
子雲疲遺愛
猶如在殘編
尚可窺即今
流水曲何處
俗人知

哭郎著作

鄭愔

詩禮康成學文章
賈誼才已年人得夢
庚日烏為災書
草藏天閣琴聲入
夜臺荒階羅駮蘚
虛座網浮埃白馬
賓徒散青烏隴隧
開空憐門下客懷
舊幾迷迴

悼亡

集作代張侍
御傷美人

杜審言

二八泉扉掩帷屏
寵愛空淚痕消夜
燭愁思集作亂春
風巧笑人疑在新
粧曲未終尚憐脂
粉氣留集作著舞

衣中

哭僕射鄂公揚再思

趙彥昭

兩揆光天秩三朝奉帝熙何言集大鳥忽此喪元龜坐
歎公槐落行聞宰樹萎壑舟今已去寧有濟川時

同前

李又

端揆凝邦績台階闡國猷方崇大厦棟忽逝巨川舟白
日銘安在清風頌獨留死生息命畢零落掩山邱

哭故人

喬知之

生死久離居淒涼歷舊廬歎茲三徑斷不踐十年餘古

木巢禽合荒庭愛客疎匣獨彈罷劔牀積讀殘書玉沒
終無像蘭言強問虛平生不得意泉路復何如

傷王七秘書監寄呈揚州陸長史通簡府寮以

廣好事

集作廣
陵好事

宋之問

王氏貴先宗衡門棲道風得心

集作
傳心

晤有物乘化遊無

窮學與九流異機玄三語同書乃墨場絕文稱詞伯雄

白屋藩魏主蒼生望謝公一祗賢良召遂謁承明宮補

袞望奚塞尊儒位未克罷官七門裏歸老一邱中嘗忝

長者轍微言私未通我行會稽郡路坐廣陵東物在人
已矣都疑淮海空

使至嵩山尋杜四不遇慨然復傷田洗馬韓觀

主因以題壁贈杜侯

前人

洛橋瞻太室期子在雲烟歸來不見面孤賞弄寒泉與
君濶松石于茲二十年田公謝昭世韓子秘幽挺憶昔
同携手山樓接二賢笙歌入玄地詩酒坐寥天舊友悲
零落罷琴私自憐逝者非藥誤食霞意可全為余理還

策相與事靈仙

蜀城哭台州樂安俞少府 蘇頌題

遠遊躋劍閣長想屬天台
萬里隔三載此邦余重來
音容曠不覩夢寐殊悠哉
邊郡饒籍籍晚庭正回回
喜傳上都封因促傍吏開
何悟海鹽客已而梁木摧
變衣寢門外揮涕少城隈
却計分明得猶持委曲猜
師儒悲訓獎仲季時童孩
服義陳書篋邀歡泛酒杯
斲令風雨散仍迫歲時迴
其道惟正直其人信美俚
白頭還作尉黃

綬固非才可歎懸蛇疾先貽問鵬災故鄉閉窮壤宿草
生寒萋零落九原去蹉跎四序催曩期冬贈稿今哭夏
成梅執禮誰為賙居常不徇財北登瓊環坂東望姑蘇
臺天路本懸絕江波空泝洄念孤心易斷追往恨難裁
不遂卿將伯孰云陳與雷衰殘集作
吾衰亦如此夫子復何

哀

夜聞故梓州韋使君明當引紼感而成章

前人

惻矣南鄰問冥然東岱幽里聞寧相杵朝歎忽遷舟君
闕惟伯仲吾人復歛遊對連時亦早交喜歲纔周序發
扶陽贈交因司寇酬詎期危露盡相續逝川流卧疾無
三弔居閑有百憂振風吟鼓夕明月照帷秋蘚駁題詩
館楊踈奏妓樓共將歌哭歎轉為弟兄留感物存如夢
觀生去若浮余悲忘情者雪涕報林邱

和姚令公哭李尚書又

張九齡

貴賤雖殊等平生竊下風雲泥勢已絕山海納還通忽

歎登龍者翻將吊鶴同琴詩猶可託劍履獨成空疇昔
嘗論禮集作體興言每匪躬人思崔琰議朝憶祭遵公作
善神何酷依仁命不融天文虛北斗人事罷南宮上宰
既傷舊下流彌感衷無因報國上徒欲問玄穹

哭殷遙二首

王維

人生能幾何畢竟歸無形念君等為死萬事傷人情慈
母未及葬一女纔十齡訣別集作決寒郊外蕭條聞哭聲
浮雲為蒼莽飛鳥不能鳴行人何寂寞白日一作日色自淒

清憶昔君在時問我學無生勸君苦不早令君無所成
故人各有贈又不及生平負爾非一途慟哭返柴荆

二

送君返葬石樓山松栢蒼蒼賓馭還埋骨白雲長已矣
空餘流水向人間

哭孟浩然

前人

故人不可見漢水日東流借問襄陽老江山空蔡州

哭褚司馬

妄識皆心累浮生定死媒誰言老龍吉未免伯牛災故
有求仙藥仍餘遁俗杯山川秋樹苦窓戶夜泉哀尚憶
青驪去寧知白馬來漢臣修史記莫蔽禱生才

過沈居哭沈居士

前人

楊朱來此哭桑扈返於真獨自成千古依然舊四鄰閑
簷喧鳥雀故榻滿埃塵曙日孤鶯轉空山五柳春野花
愁對客泉水咽迎人善卷明時隱黔婁在日貧逝川嗟
爾命丘井歎吾身前後徒言隔相悲詎幾晨

哭祖陸自虛

時年十八

前人

否極嘗聞泰嗟君獨不然憫凶纔稚齒羸疾至中年餘
力文章秀生知禮樂全翰留天帳覽辭入帝宮傳國訝
將軍少人知賈誼賢公卿盡虛左朋識共推先不恨依
窮轍終期濟巨川才雄望高鴈壽促背貂蟬福善聞前
錄穢良昧上玄何故鍛鸞翮底事碎一作失龍泉鵬起長
沙賦麟終曲阜編城中君道廣海內我情偏乍失疑猶
在沈思悟絕緣生前不忍別死後向誰宣為此情難盡

彌令意更纏本家清渭曲歸葬舊塋邈永去長安道徒

開京兆阡旌車出郊甸鄉國隱雲天定作無期別寧同

舊日旋候門家屬苦行路國人憐送客哀終一作難進征

途哭復前贈言我挽曲奠席是離筵念昔同携手風期


不暫捐南山俱隱逸東洛類神仙未審音容間那堪生

死遷花時金谷飲月夜竹林眠滿地傳都賦傾朝看藥

舡羣公一作英咸屬目微物敢齊肩謬合同人旨而將玉

樹連不期先挂劍長空後施鞭為善吾無矣知音子絕

馬琴聲縱不沒終亦斷悲絃



文苑英華卷三百二

欽定四庫全書

集部

文苑英華卷三百三十五

詳校官太僕寺少卿_臣李廷欽

助教_臣常循覆勘

總校官進士_臣朱 鈞

校對官中書_臣王鍾泰

謄錄監生_臣張 麟

欽定四庫全書

文苑英華卷三百三

宋 李昉等 編

悲悼三

哭人六十一首

杜甫四首

沈宇一首

常建一首

高適二首

劉長卿四首

李嘉祐一首

皇甫曾一首

盧綸一首

韋應物一首

顧況四首

耿緯二首

司空曙二首

李益一首

權德輿三首

于鵠二首

杜誦一首

李敬方一首

衛象一首

戎昱一首

劉商二首

釋靈一一首

釋護國一首

釋皎然一首

釋靈徹一首

王建一首

楊衡一首

韓愈一首

劉禹錫十首

孟郊七首

哭李常侍嶧

杜甫

一代風流盡修文地下深斯人不重見將老夫知音短
日行梅嶺寒山落桂林長安若箇畔猶想映貂金

哭嚴僕射歸櫬

前人

素幔隨流水歸舟返故京老親如夙昔部曲異平生風

送蛟龍匣天長驟騎營一哀三峽暮遺後見君情

哭李尚書芝芳

前人

漳濱與蒿里逝水竟同年欲把留徐劍猶迴憶戴舡相
知成白首此別問黃泉風雨嗟何及江湖涕泣然修文
思管輅奉使失張騫史閣行人在詩家秀句傳客亭鞍
馬絕旅櫬網蟲懸復魄昭邱遠歸魂素滄偏樵蕪封堊
地嗟舌罷朝天秋色調春草王孫若箇邊

奉漢中王手札報韋侍御蕭尊師亡

前人

秋日蕭韋逝淮王報峽中小

集作少

年疑柱史多術怪仙

公不但時人惜祇應吾道窮一哀侵疾病相識自兒童
處處隣家笛飄飄客子蓬強吟懷舊賦已作白頭翁

塞外哭友人

沈宇

菊黃蘆白鴈初飛羌笛胡笳淚滿衣送君腸斷袂江外
一去東流何日歸

弔王將軍墓

常建

嫖姚北伐時深入幾

文粹作強

千里戰餘落日黃軍敗鼓聲

死常言

文粹作聞

漢飛將可奪單于壘今與山鬼隣殘兵哭

遼水

哭單父梁洽少府

高適

開篋淚沾臆見君前日書夜臺今

集作空

寂寞猶是子雲

居疇昔探靈

集作貧雲

竒登臨賦山水同舟南楚夜

集作浦下

望

月西江裏契濶多離別

集作別離

當綢繆到生死九原即何

處萬事皆如昨晉山徒嵯峨斯人已冥冥常時祿且少

集作薄

歿後家復貧妻子在遠道弟兄無一人十上多苦

辛

詩選作心

一官恒自哂青雲將可致白日忽先盡獨推

詩選

作有身後名空流

集作番

無遠近

哭裴少府

前人

世上誰不死嗟君非生慮扶

一作無

病適到官田園在何

處公才羣吏感葬時他人助余亦未識君闕悲哭君去

哭李

集作陳

歙州

劉長卿

千秋萬古葬平原素業清風及子孫旅櫬歸程傷道路

舉家行哭向田園空山寂寂開新塚喬木蒼蒼掩舊門
儒行公才竟何處集作獨憐棠樹一株存

雙峯下哭故人李宥

前人

憐君孤塚寄雙峯埋骨窮泉復幾重白露空沾九原草
青山獨閉數株松圖書經亂如何在妻子移家失所從
惆悵東臯却歸去人生無處更相逢

哭張員外繼

公及夫人相
次歿於洪州

前人

慟哭鍾陵下東流與別離二星來不返雙劍沒相隨獨

繼先賢傳誰刊有道碑故園荒岷曲旅櫬寄天涯白簡

曾連拜滄洲每

集作
豈

共思撫存憐齒稚歎逝顧身衰泉

壤成終古雲山若在時秋風鄰笛發寒日寢門悲世難
愁歸路家貧緩葬期舊賓傷未散夕臨咽恒遲自此辭
張邵何由見戴逵獨聞山吏部流涕訪孤兒

哭魏蕪遂

公及孀妻幼子與家童
數人相次逝沒葬丹陽

前人

古今俱此

集作
有此

去修短竟誰分樽酒空如在絃琴豈重

聞一門同逝水萬事共浮雲
舊館何人宅空山遠客墳
艱危貧且病少小秀而文
獨行依窮巷全身出亂軍
歲時常寂寞烟月自氤氳
隴樹隨人古山門對日曛
泛舟悲向子番劍贈徐君
來去雲陽路傷心江水濱

傷歛州陳二使君

李嘉祐

憐君辭病卧滄洲一旦云亡萬事休
慈母斷腸妻獨泣寒雲慘色水空流
江村故老長懷惠山路孤猿亦共愁
寂寞荒墳近漁浦野松孤月

集作煙朝暮

即千秋

傷陸處士

皇甫魯

從此無期見柴門對雪開二毛逢世難萬恨掩泉臺
返照空堂夕孤城弔客迴漢家偏訪道猶畏鶴書來

同兵部李紆侍郎刑部包佶侍郎哭皇甫侍郎

曾

盧綸

攀龍與泣麟哀樂不同塵九陌霄漢侶一燈冥冥人
舟沉驚海濶蘭折怨霜頻已矣復何見故山應更春

悲故交

韋應物

白璧衆求瑕素絲易成汙萬里顛沛還高堂已長暮積
憤方盈抱纏哀忽逾度念子從此終黃泉竟誰訴一為
時所集作事感豈獨平生故唯見荒邱原野草塗朝露

哭從兄長

前人

洞庭違鄂渚嫋嫋秋風時何人不客遊獨與帝子期黃
鵠繳飛翅青雲歎沉姿身終一騎曹高蓋者為誰從駕
至梁漢金根復京師皇恩溢九垓不記屠沽兒立身有
高節滿卷多好詩赫赫承明庭羣公默無詞草木正搖

落哭兄鄱水湄共居雲陽里輾軻多別離人生倏忽間
旅櫬飄若遺稚子新學拜枯楊生一枝人生倏忽間精
爽無不知舊國數千里家人由未知人生倏忽間安用
才士為

傷子

前人

老夫哭

集作喪

愛子日暮千行血聲逐斷猿悲路隨飛鳥

滅老夫已七十不作多時別

悼稚

前人

推子比來騎竹馬猶疑只在屋東西莫言道者無悲事
曾聽巴猿向月啼

哭張融

耿緯

早歲能文客中年與世違有道類詩作有家孀婦少無子弔

人稀總帳塵空積集作空暗銘旌雨不飛依然舊鄉路寂寞

幾回歸

哭麴象

此篇三百五首
重出今已削去

前人

憶昨秋風起君曾歎逐臣何言芳草日自作九泉人

傷苗員外呈張參軍

苗公即參軍
勇氏

司空曙

思君寗家宅久接竹林期
嘗值偷琴處親聞比玉時
高

人不易合弱冠早相追

集作相知

思藝

集作試藝

臨諸友能文即

我師陵寒松未老先暮槿
何衰季子生前別羊曇
醉後

悲壽堂乖一慟奠席阻長辭
因瀝殊方淚遙成墓下詩

哭王注

前人

已歎漳濱卧何言駐隙難
異才傷促短諸友哭門闌
古

道松聲暮荒阡莫色寒延陵今葬子空使魯人觀

惜春傷同幕故益郎中杜侍御兼呈去年看花

友

一作故人

李益

畏老身今老逢春解惜春今年看花伴已少去年人

哭劉四尚書

權德輿

士友惜賢入天朝喪守臣才華推獨步聲氣幸相親
理拊環中妙儒為席上珍笑言成月旦風韻揖天真
丹地膺推澤青油寄撫循豈言朝相位翻是卧漳濱
命賜龍

泉重追榮密印陳撤絃驚物故庀具見家貧牢落風悲
笛汎瀾涕泣巾共嗟蒿里月非復柳營春黃絹碑文在
青松隧路新音容無處所歸作北邙塵

張工部發引日屬傷足卧疾不遂執紼

前人

子春傷足日况有寢門哀元伯歸全去無由白馬來笳
簫里巷咽龜筮墓田開片石潺湲淚含悽集作悲叙史才

哭張十八校書

數日前辱書未及
還答俄承凶訃

前人

芸閣為郎一命初
桐州寄傲十年餘
魂隨遊水歸何處
名在新詩衆不如
蹉跎江浦生華髮
牢落寒原會素車
更憶八行前日到
含悽未報秣陵書

哭王都護

于鵠

老將明王識臨終
拜上公告哀鄉路
遠助戰戍城空素
幔朱門裏銘旌秋
巷中史官如不濫
獨傳說英雄

悼孤子

前人

年長始一男心亦頗自娛生來歲未周奄然却歸無裸
送不以衣瘞埋於中衢乳母抱出門所生亦隨呼嬰孩
無哭儀禮經不可踰親戚相問時抑悲空歎吁襁祿在
舊牀每見立踞澗靜思益傷惜畏老為獨夫

哭李進

前人

驅馬街中哭送君靈車碾雪隔城門唯有山僧與樵客
共舁孤櫬入幽墳

哭長孫侍御

杜誦

道為詩書重名因賦頌雄禮闈曾擢桂憲府舊

集作屢
或作近

乘驄流水生涯盡浮雲世事空唯餘舊臺

一作
臺上

栢蕭瑟

九原中

此詩見中興間氣集亦云杜誦作今載杜甫集可疑

聞陳高侍御卒貶所

李敬方

西京高院長直氣似吾徒走馬論邊備飛聲感廟謨官

移關未察身沒事多符寂寞他年後名編野史無

傷李端

衛象

才子浮生從泉臺此路縣官卑揚執戟年少賈長沙人
去門栖鳥災成酒誤地唯餘封禪草留在茂陵家

聞顏尚書陷賊中

戎昱

傳道征南歿那堪故吏聞能持蘇武節不授馬超勲國
破無人信天秋有鴈羣同榮不同辱今日負將軍

哭韓淮端公兼上崔中丞

劉商

堅貞與和璧利用歸干將金玉徒自寶高賢無比方挺
生巖松姿孤直陵雪霜亭亭結清陰不競桃李芳讀書

哂霸業翊贊思皇王千載有疑議一言能否臧儒風久
淪弊顏閔壽不長邦國豈殄瘁斯人今又亡別離長春
草存沒隔楚鄉聞問尚書慟淚凝向日黃奄忽薤露晞
杳冥泉夜長賢愚自修短天色空蒼蒼銘旌歛歸魂荆
棘生路傍門柳日蕭索總帳掩空堂燈孤晦處明高節
沒後彰芳蘭已灰燼幙府留餘香常愛獨坐尊繡衣如
鴈行至今虛左位言發淚沾裳

同諸子哭張元易

前人

盛德高名揔是空
神明福善大朦朧
遊魂永永無歸日
流水年年自向東
素帷旅櫬鄉闕遠
丹旒燈闕客舍中
伯道共悲無後嗣
孀妻老母斷根蓬

哭魏尚書

釋靈一

畫戟重門楚水陰
天涯欲暮共傷心
南荆雙履痕猶在
北斗孤魂望已深
蓮花幕下悲風起
細柳營邊曉月臨
前路茫茫向誰問
感思空有淚沾襟

傷蔡處士

釋護國

篋中遺草是琅玕對此空令灑淚看
三徑尚餘行跡在數螢猶是映書殘
晨光不借泉門曉暝色唯添瓏樹寒
欲問皇天天更遠有才無命說應難

五言哭吳縣房肇明府

釋皎然

仁人邁厚德可謂名實全
撫迹若踈曠會心極精研
履

危節詎屈

廣德初江南寇盜充斥賊遍名
宰長城縣屢至害身竟不就

著論識不偏

公註道性
論一篇

恨以榮級淺嘉猷未及宣
伊人期遠大志業

難比肩昭世既合并吾君
藉陶甄奈何明明理與善徒

空詮徵教或稽聖窮源及問天一官自吳邑六翮委江

孺始是牽絲日翻成撒瑟年金膏果不就

房公昔日就沈道士學長

生之行盡以佛理難之

玉佩長此捐倚伏信冥昧天壽驚後先安

知忘情子愛網素已褰為有深仁感遂令真性遷心悲

空林下淚灑秋景前夫子寡兄弟無孤傷藐然傾雲為

慘結弔鶴共聯翩割念歸命駕訣詞空向筵樹桃陰始

合愛容位常懸恍若遠行時棠望歸朝旋悟茲歡宴隔

哀彼歲月延書帶變芳草履痕移綠錢冥期倘可逢生

盡會無緣

王坦之初與沙門竺法師甚厚每共論幽明報應便要先死者當報其事後經年師忽來

云貧道已死罪福皆不虛唯當勤修道德升濟神明耳

幸願示因業

闕

代居運專

沈約死後冥中見千因師云急為我造經拔我苦難

相思轉寂寞獨往西林泉欲

見故人心時開所贈篇素高陶靖節今重楚先賢芳躅
將遺愛可為終古傳

聞李虔州亡

釋靈徹

時時聞說故人死日日自悲垂老身白髮不生應不得
青山長在屬何人

弔孟東野二首

王建

吟損

一作哭盡

秋天月不明
蘭無香氣鶴無聲
自從東野先

生死側聽雲山得散行

二

老松臨死不生枝
東野先生早哭兒
但是洛陽城裏客
家傳一本長殤詩

哭李象

楊衡

白鷄黃犬不將去
寂寞空餘葬時路
草苑花開年復年

後人知是何人墓憶君思君獨不眠夜寒月照青楓樹

哭楊兵曹凝陸欽州叅

韓愈

人皆生

集作生

期七十纔半豈蹉跎數

集作併

出知己淚自然

白髮多晨興為誰慟還坐久滂沱論文與晤語

集作新墳與宿

草已矣兩

集作復一作可

如何

哭王僕射相公播

時兼鹽鐵暴薨

劉禹錫

于侯一日病滕公千載歸門庭颯已變風物慘無輝羣
吏謁新府舊賓霑素衣歌堂忽暮哭駕雀盡驚飛

許給事見示哭工部劉尚書詩因命同作

前人

漢室賢王後

從叔望
在河間

孔門高第人濟時成國器樂道任

天真特達圭無玷堅貞竹有筠
揔戎寬得衆市義貴能貧
護塞無南牧馳心拱北辰
乞身來闕下賜告卧漳濱
榮躍初題劔清瀛已拖紳
宮星徒列位隙日不迴輪
昔自追飛侶今為侍從臣
素絃哀已絕青簡歎猶新
未遂揮金樂空悲撒瑟晨
淒涼竹林下無復見清塵

傷獨孤舍人

并引

前人

貞元中余以御史監祠事河南獨孤生始仕為奉禮郎
有事宗廟郊時必與之俱繇是甚熟及余謫武陵九年
間獨孤生仕至中書舍人視草禁中上方許以宰相元
和十年春余祇召抵京師次都亭日舍人以疾不起余
聞因作傷詞以為弔

昔別公年少今悲喪國華遠來同社鷺不見早梅花

傷段右丞

江湖舊遊
南宮交代

前人

江梅多豪氣朝廷有直聲何言馬蹄下一旦是佳城

哭龐京兆

少年有俊氣嘗擢制科之首

前人

俊骨英才氣凜然策名飛步冠羣賢逢時已自致高位

得病

集作疾

還因倚少年天上別歸京兆府人間空歎茂

陵阡今朝總帳哭君處前日見鋪歌舞筵

哭呂衡州時余方謫居

前人

一夜霜風凋玉芝蒼生絕望士林悲空懷濟世安人畧
不見男婚女嫁時遺草一函歸太史旅墳三尺近要離

朔方徙歲行當滿欲為君刊第二碑

傷循州渾尚書

前人

貴人淪落路人哀碧水連天丹旆迴遙想長安此時節
朱門深巷百花開

重至衡陽傷柳儀曹

并序

前人

元和乙未歲與故人柳子厚臨湘水為別柳浮舟適柳
州余登陸赴連州後五年余從故道出桂嶺至前別處
而君歿於南中因賦詩以投吊

憶昨與故人湘江岸頭別我馬映林嘶君帆轉山滅馬
嘶循故道帆滅如流電千里江籬春故人今不見

謫居悼往

前人

悒悒何悒悒長沙地卑濕樓上見春多花前恨風急猿
愁腸斷叫鶴病翹趾立牛衣獨自眠誰哀仲卿泣

遙傷丘中丞

并引

前人

河南丘絳有詞藻與余同昇進士科從事鄴下不幸遇
害故為傷詞

鄴下殺才子蒼茫冤氣凝枯楊映漳水野火上西陵馬
鬣今無所龍門昔共登何人為弔客唯是有青蠅

哭李觀

孟郊

志士不得老多為直氣傷阮公終日哭壽命固難長顏

子既殂謝孔門無輝光文星落竒懼寶劍推修鏗常作

金應石忽為宮集作參別商為爾弔琴瑟斷絃難再張偏

轂不可轉一作推隻翼不可翔清塵無吹噓委地難飛揚

此義古所重此風今已一作則止自聞喪元賓一日八九

狂沉痛此丈夫嗚呼彼穹蒼我有出俗韻勞君疾惡腸

知音既已矣微言

集作善

誰能彰旅葬無高墳栽松不成

一作

行哀歌動寒日贈淚沾晨霜

一作衣裳

神理本窅窅

集作

冥冥今來更茫茫何以蕩悲懷萬事付一觴

哭盧貞國

前人

一別難與期存亡易寒燠下馬入君門聲悲不成哭自
能富才藝當冀深榮祿皇天負我賢遺恨至滿目平生
嗟無子家事親相囑

哭秘書包太監

前人

哲人卧病日賤子泣玉年當恐寶鏡破明月難再圓
文字未改素聲容忽歸玄始知知音稀千載一絕絃
舊館有遺琴清風那再傳

哭李舟員外并寄杜中丞

前人

生死方知交態存忍將麩齏報幽魂十年同在平原客
更遣何人哭寢門

悼吳興楊衡評事

前人

君生

集作
在

雲水清君去雲水渾空有

集作
令

骨肉親

集作
情

哭得日月

集作
白日

昏大夜不復曉古松長閉門琴絃綠水

絕詩句青山存昔為芳春顏今為芳春根獨聞冥冥

一作

冥理先儒未嘗

一作
言

李少府廳弔李元賓遺字

元賓題少府廳云宿
從叔宅有感有其義

而無
其辭

零落四五

集作
三四

字忽然

集作
成

千萬年那知真寂客

集作
那知

冥冥

不有補遺

集作
亡

篇斜月吐

集作
弔

空壁旅人難獨眠

一生能幾時萬集作慮來相煎戚戚故交淚幽幽長夜
泉已矣難重言一言一潸然

悼幼子

前人

一開黃蒿門不聞白日事生氣散成風枯形化為地負
我十年恩欠爾千行淚灑之北原上豈集作待秋風至

文苑英華卷三百三

欽定四庫全書

文苑英華卷三百四

宋 李昉等 編

悲悼四

哭人六十二首

張籍五首

元稹三首

白居易八首

闕名一首

賈島六首

釋無可一首

杜牧六首

姚合一首

張祜二首

朱慶餘一首

劉得仁二首

許渾六首

雍陶一首

溫庭筠三首

方干三首

李洞二首

項斯一首

馬戴二首

聶夷中一首

皮日休二首

鄭谷五首

陳陶一首

哭元九少尹

張籍

平生志業獨相知，早結雲山老去期。
初作學官常對宿，晚登朝列暫同時。
閑來各數經過地，醉後齊吟倡和詩。
今日春風花滿宅，一作院入門行哭見靈帷。

哭胡十八

前人

早得聲名年尚少，尋思集作常志氣出風塵。
文場繼續成

三代家世集作族輝華在一身。
幼子現存集作生纔滿月，選

書知寫未成人，送君帳下衣裳白。
數尺墳頭柏樹新

哭丘長史

前人

曾作先皇殿上臣丹砂久服

別一作

不成真常騎馬在嘶

空櫪自作書留別故人詩句徧傳天下口朝衣長送地

中身最悲昨日同遊處看却春

一作東

風樹樹新

一作春

沒蕃故人

前人

前年戍月支城下

集作上

沒全師蕃漢斷消息死生長別

離無人收廢帳歸馬識殘旗欲祭疑君在天涯哭此時

哭孟寂

前人

曲江院裏題名處十九人中最少年今日春光君不見

杏花零落寺門前

傷呂衡州二首

元稹

望有經綸釣度收
宰相刀鵬心駕風遠
雲貌接天高國
待球琳器家藏虎豹
韜盡將千載寶埋入五原蒿

二

鵬鷲生難敵
沉檀死更香
兒童喧巷市
羸老哭碑堂
鴈起沙汀暗
雲連海氣黃
祝融峯上月
幾照北人喪

哭女樊四十韻

魏州長史時作

前人

逝者何由見中人未達情馬無生角望猿有斷腸鳴去
伴投遐徼來隨夢險程四年巴養育萬里硤迴榮病是
他鄉染覓應遠處驚山魘邪去

集作
亂

逼沙虱毒潛嬰母

幼看寧辨余慵療不精欲尋方次第俄值疾充盈燈火
徒相守香花祇浪擎蓮初開月梵舜已落朝榮魄散雲
將盡形全玉尚貞空垂兩行血深送一枝瓊秘祝休巫覡
安眠放肆令舊衣和篋施殘藥滿甌傾乳媪閑於社醫
僧媿似醒憫渠深覺瘳

集作瘳
一作瘳

訝佛力難爭騎竹癡猶

子牽車少外甥等長

集作開

迷過影遙戲誤啼聲汙

集作沈

紙傷餘畫扶牀念試行獨留呵面鏡誰弄倚墻箏憶昨

工言語憐初妙長成撩風拓鸚古凌露觸蘭英翠鳳輿

貞女紅蕖捧化生祇憂嫌五濁終恐向三清宿惡諸薰

味懸知衆物名

生而不食薰血虎豹狨猿等皮毛盡惡斥之巴南所無之物及北而默識其名

者數輩

環從枯樹得經認寶函盛愠怒偏憎數分張雅愛

平最憐

一作矜

貧栗妹頻救嬾書兄為占嬌媿分良多眷

戀誠別恒回面泣歸定出門迎解恠還家晚長將遠信

呈說人偷罪過要我抱從橫騰達游江舫攀緣看樂棚
扣蠻歌字拗學妓舞腰輕迨遞離荒服提集作持携到近

京未容誇伎倆惟恨枉聰明往事心十緒新絲鬢百莖
暗窻風報曉秋幌雨聞更敗槿蕭疎館襄陽敗壞城此
中臨老淚仍自哭孩嬰

哭崔常侍晦叔

白居易

頑賤一拳石精珍百鍊金名價既相遠交分何其深中
誠一以合外物不能侵逶迤二十年與世同浮沉晚有

退寒約白首歸雲林垂老忽相失悲哉口語心春日蒿
高陽秋夜清洛陰邱園共誰卜山水共誰尋風月共誰
賞詩篇共誰吟花開共誰看酒熟共誰斟惠死莊杜口
鍾歿師廢琴道理使之然從古非獨今吾道自此孤我
情安可任惟將病眼淚一灑秋風衿

哭皇甫七郎中湜

前人

志業同元宴詞華似禰衡多才非福祿薄命是聰明不
得人間壽還留身後名涉江文一首便可敵公卿

寄劉蕪州

前人

去年八月哭微子今年八月哭敦詩可堪老淚交流日
多是秋風搖落時泣罷幾回深自念情來一倍苦相思
同年同病同心事除却蘇州更有一作誰

哭劉尚書夢得二首

前人

四海齊名白與劉百年交分兩綢繆同貧同病退閑日

一死一生臨老頭杯酒英雄君與操曹公曰天下英雄惟若與操耳

章微婉我知丘

仲尼云后世知丘者春秋又云春秋之旨微而婉也

賢豪雖殁精

靈在應共微之地下遊

二

今日哭君吾道孤
寢門淚滿白髭鬚
不知箭折弓何用
魚恐唇亡齒亦枯
宵宵窮泉埋寶玉
駸駸落景挂桑榆
夜臺暮齒期非遠
但問前頭相見無

哭雀兒

前人

掌珠一顆兒三歲
鬢雪千莖父六旬
豈料汝先為異物
常憂集作吾不見
成人悲腸自斷非
因劒啼眼加昏不

早知

是塵懷抱又空天
默默依前重作鄧攸身

微之敦詩晦叔相次薨

一作長

逝巋然自傷因成

二絕

前人

一

併失鴛鴦侶空留麋鹿身
只應嵩洛下長作獨遊人

二

長夜君先去殘年我幾何
秋風滿衫淚泉下故人多

哭從伯祭酒

失名

剖符馮翊次以疾拜司成義重踈皆友仁深怨不生昔
居南北省長話水雲情吟諷資高興絲綸發重名經秋
漳浦卧一旦逝川聲自古誰迴得重泉獨往程明靈辭
魏闕冬日冷秦宮孝子號天護銘旌引柩行門闌容足
跡章句許才清劣薄無因報恩知豈謂輕捫膺詞莫吐
奠酒淚先傾從此堦前石何人肯念貞

愚魯獻孤石
蒙賞孤峭

哭孟郊

賈 島

身死聲名在多應萬古傳寡妻無子息破宅帶林泉塚

近登山道詩隨過海舡故人相弔後斜日下寒天

一作天邊

哭胡遇

前人

天壽知齊理何曾免嘆嗟祭回收朔雪弔罷折寒花野

水秋吟斷空山暮影斜弟兄相識遍那

集作猶

得到

集作見

君家

哭張籍

前人

精靈歸恍惚石磬韻曾聞即是前古誰人耕此墳
舊遊孤棹遠故域九江分本欲蓬瀛去飡芝御白雲

弔孟協律

前人

才行古人齊生前品位低
塋時貧賣馬遠日哭惟妻孤
塚北邙外空齋中岳西集詩應萬首物象徧曾題

哭孟東野

前人

蘭無香氣鶴無聲哭盡秋天月不明
自從東野先生死側近雲山得散行
第三百卷三載王建弔東野二詩今此篇乃云岳作前卷已詳註今併存之

哭盧仝

前人

賢人無官死不親者亦悲空令古鬼哭更得親隣比平生四十年惟著白布衣天子未辟召地府誰來追長安有交友託孤遽棄移塚側誌石短文字行參差無錢買松栽自生蒿草枝在日贈我文淚流把讀時從茲加敬重深藏恐失遺

弔從兄崑

釋無可

見集本

盡日歎沉淪孤高碣石人詩名從蓋代謫宦竟終身蜀集重編否巴儀薄塋新青門臨舊巷欲見永無因

哭張籍司業

後篇作
哭陳陶

前人

先生抱衰疾不起茂陵間夕臨諸孤少荒居弔客還遺
文禪東岳留語莖鄉山多雨銘旌故殘燈素帳閑樂章
誰與集隴樹即堪攀神理今難問予將叫帝關

此詩三百五卷重出今已削去

哭李員外

集作哭池
州李使君

杜牧

縉雲新命詔初

一作書

行纔

一作政

是孤寬受氣

一作壽氣

成黃

壤不知新雨露粉書空

一作唯

換舊銘旌巨卿哭處雲空

魂一作斷阿鶩歸來月正明多少四年遺愛事鄉閭生子

李為名

聞慶州趙縱使君祭酒與党項戰中箭而死輒

書哀句

前人

將軍獨乘鐵驄馬榆溪戰中金僕姑死綏却是古來有
驕將自驚今日無青史文章爭點筆朱門歌舞笑捐軀
誰知我亦輕生者不得君王丈二父

哭韓綽

前人

平生送葬上都門，紼袞交橫逐去魂。
歸來冷笑悲身事，喚婦呼兒索酒盆。

重到襄陽哭亡友章

集作章

壽朋

一作重宿襄州哭章楚老拾遺

故人墳樹五

集作立

秋風伯道無兒跡，更空重到笙歌分

散地隔江吹曲

集作笛

月明中

哭李給事中敏

前人

陽陵郭門外，坡陀五丈墳。
九泉如結友，茲地好埋君。

朱雲

墓陽陵

郭外

李甘詩

前人

太和八九年訓注極虺虎潛身九地底轉上青天去四
海鏡清澄千官雲片縷公私各閑暇追遊日相伍豈知
禍亂根枝葉潛滋茂九年夏四月天誠若言語烈風駕
地震疾集作雷驅猛雨夜於正衙階集作拔去千年樹

吾君不省覺二堯日威武操持北斗柄開閉天關路森
森門庭士縮縮循墻鼠平生負名節一旦如奴虜指名

為鈎黨

集作
黨綱

狀跡難告訴喜無李杜誅敢憚髡鉗苦當

時仲秋

集作
秋夜

月日直曰庚午喧喧皆傳言明晨相登注

予時與和鼎官班各持斧和鼎顧予言

集作
云

我死知

集作

有處所當庭裂詔書退立須臾俎君門曉日開赭按橫

霞布儼雅千官容勃鬱吾纍怒適屬命廊將

趙儋除廊
坊節度

昨之傳者誤明日詔書下謫斥南方去夜登青泥坂墜

車傷左股病妻尚在牀稚子初離乳幽蘭思楚澤恨水

啼湘渚怳怳三門魂悠悠一千古其冬二克敗渙汗開

湯咎賢者須喪亡讒人尚堆貯子於後四年諫官事明

主常欲雪幽寃於時一禩補拜章豈艱難膽薄多憂阻
如何干斗氣竟作炎荒土題此涕滋筆以代投湘賦

哭費拾遺徵君

姚合

服儒遵佛

集作師道

旨糲食卧中林誰識先生事無身本是

心空山流水遠故國白雲深日夕誰來哭唯應遠鳥吟

哭汴州

一作夷門

陸大夫

張祜

利劍

一作刃

太堅操何妨拔一毛寃深陸機霧憤積伍員

一作

濤直道非無駭

一作險

明時不錄勞誰當青史上卒

為顯詞褒

哭京兆龐尹

前人

揚子津頭昔共迷一為京兆隔雲泥故人昨日同時弔
舊馬今朝別處嘶向壁愁眉無復畫扶牀稚齒已能啼
也知世路名堪貴誰信莊周物調齋

哭胡遇

朱慶餘

尋僧昨日尚相隨忽見緋幡意可知題處舊詩休更讀
置來新馬憶曾騎不應隨分空營莫終擬求人與立碑

每作宣陽里中過遙聞臨哭淚先垂

置來集作買來每

作集作每向

哭翰林丁侍郎

劉得仁

相知出肺腑

一作深過等

非舊亦非親每見鴛鴦侶多揚鄙

拙身即期匡聖主豈料哭賢人應是隨先帝依前作近

臣平生任公直愛弟尚風塵宅閉青松古集作墳墳臨赤

水新官清仍齒壯兒小復家貧惆悵天難問空流淚滿

巾

哭鮑溶有感

寥落故人宅，今來身已亡。
古苔淺墨沼，深竹舊書堂。
秋

色池臺

一作館

靜雨聲雲水涼，無因展交道。
日暮割心腸。

傷馮秀才

許渾

旅葬不可問，茫茫西隴頭。
水雲青草濕，山月白楊愁。
琴

信有時，罷劔傷無處。
留淮南，舊烟

集作今夜

月孤棹，又

集作更

逢秋

哭虞將軍

一作傷河東虞押衙

前人

自昔

集作白首
一作十載

從軍未有名近來孤劍到江城巴童戍

久能番語胡馬調多解漢行對雪夜窮黃石畧望雲秋

計

集作秋筭
一作朝筭

黑山程可憐

一作
誰知

身死家猶遠汴水東流

無哭聲

傷楊攀處士

前人

先生憂道不憂

集作
樂清

貧白髮終為不任身崧阮沒來無

酒客應劉亡後少詩人山前月照荒

集作
孤

墳曉溪上花

開舊宅春昨夜回舟更惆悵至今鐘磬滿南鄰

重傷楊攀處士二首

攀字綠雲集作
自號綠雲翁

前人

綠雲多學術黃髮竟無成酒縱山中性詩流

集作海上

名讀書新樹老垂釣舊磯平今日悲前事西風聞哭聲

二

從官任直道幾處脫長裾歿後兒猶小葬來人漸疎新

隣

集作隣翁

占池館長史

集作門吏

覓圖書身賤難相報平生恨

有餘

集作無復前秋
事西齋賦子虛

傷李秀才

前人

曾醉笙歌日正遲醉中相送易前期菊花滿地人亡後

菰葉連天客

集作鴈

作

過時琴倚舊窓塵漠漠劍埋

集作橫

新

塚草離離河陽

集作橋

作

酒熟平生事更向東流奠一卮

哭饒州吳諫議史君

雍陶

忽聞身謝滿朝驚俄感鄱陽罷市情遺愛永存今似古
高名不朽死如生神仙難見青驃事諫議空留白馬名
門館曾為息愛客幾迴垂淚過宣平

舊宅在宣平里

哭盧處士

見三百五卷

溫庭筠

和友人悼亡

一作喪歌姬

前人

玉貌潘郎淚滿衣
畫羅輕鬢兩霏微
紅蘭委露愁難盡
白馬朝天望不歸
寶鏡塵昏鸞影在
細箏絃斷鴈行稀
春來多少傷心事

集作春風幾許傷情事

碧草侵階粉蝶飛

傷溫德彝

前人

昔年戎虜犯榆關
一破

集作敗

龍城匹馬還侯印
不聞封

李廣別

集作他

人邱隴似天山

哭王大夫

方干

俗人皆嫉謝臨川果中常情

闕

為政舊規方利國

降生真性已歸天峴亭惋咽知無極渭曲馨香莫計年
從此心喪應畢世忍看墳草讀殘篇

哭秘書姚監

前人

寒空此夜落文星星落文存

集作
留

萬古名入室幾人成

弟子為儒是處哭先生家無諫草逢明代國有遺篇續

正聲臨曉向

集作
曉
向平

原陳葵禮悲風吹雨濕銘旌

哭喻鳧

前人

日夜役神多損壽先生下世未終年撰碑縱託登龍伴
營奠應支賣鶴錢孤瓏陰風吹細草空窻濕氣漬殘篇
人間別更無冤事此事集作到此誰能與問天

弔侯圭常侍

李洞

我重君能賦君褒我解詩三堂一拜遇四海兩心知影
挂僧挑燭名傳鶴拂碑涪江弔孤塚片月落峨眉

弔膳曹從叔郎中

前人

華省支殘俸寒蔬辦祭稀安墳對白閣買石折朱衣蜀
客彈琴哭江鷗入宅飛帆吹佳句遠不獨徧王畿

哭南流人

項斯

遙見南來使江頭哭問君臨終時有雪亂葬處無雲官
庫空收劍山僧共起墳知名人尚少誰為錄遺文

哭京兆龐尹

馬戴

神州喪賢尹父老泣

集作哭

關中未盡群生願纔留及物

功清光沉皎月素業振遺風履跡蒼苔掩珂聲紫陌空

從來受知者會葬漢陵東

哭劉駕博士

聶夷中

見集本

出門四顧望此日何徘徊終南舊山色夫子安在哉君
詩如門戶夕閉晝還開君名如四時春盡夏復來原野
多邱陵纍纍如高臺君墳雖數尺誰與夫子偕

傷盧獻秀才

皮日休

從征新價欲陵空一首堪欺左太冲只為白衣聲過重
且非青漢路難通貴侯待寫過門下詞客偷名入巷中

手弄桂枝嫌不折直教身歿負春風

哭進士李洞二首

鄭谷

所惜絕吟聲不悲君不榮李端終薄宦賈島有

集作得高

名旅葬新墳少遺孤遠俗輕猶疑隨計晚昨夜草蟲鳴

二

自聞東蜀病唯我獨集作最關情若近長江死想君勝在

生

先生酷愛賈浪仙詩在長江東蜀嶺一作境內浪仙家在此處

瘴蒸丹旆濕燈隔素

帷清塚樹僧栽後新蟬一兩聲

哭建州李員外頌

前人

令終歸故里末歲道如初
舊友誰為誌清風豈易書
雨墳生野蕨鄉奠釣江魚
獨夜吟還泣前年伴直廬

弔禮部常員外序

前人

鵬雪初晴共舉盃
便期攜手上春臺
高情惟怕酒不滿
長慟可悲花正開
曉奠鶯啼殘漏在
風幃燕覓舊巢來
杜陵荒草年年綠
醉魄吟魂無復回

弔水部賈員外嵩

前人

八韻與五字俱為時所先幽魂應自慰李白墓相連

哭王贊府

陳陶

白水流今古青山送死生驅馳三楚掾倏忽一空名
金玉埋臯壤芝蘭哭弟兄龍頭孤後進鵬翅失前程
愁變風雲色悲連鼓角聲落星辭聖代寒夢閉佳城
伊昔來江邑從容副國英德踰棲棘美公亞飲水清
大廈亡孤直羣儒憶老成白駒悲里巷梁木慟簪纓
隴遂添新草珠還滿舊簾蒼蒼難可問原上晚烟橫

--	--	--	--	--	--	--	--

九

文苑英華卷三百四

欽定四庫全書

文苑英華卷三百五

宋 李昉等 編

悲悼五

哭人十五首

哭僧道三十首

哭妓十四首

送葬十二首

哭人

崔珏二首

張喬二首

張蠟二首

曹松二首

周朴二首

杜荀鶴四首

羅隱一首

哭僧道

楊炯一首

孟浩然二首

釋皎然一首

嚴維一首

劉長卿二首

張謂一首

錢起一首

耿緯一首

司空曙一首

于鵠一首

李端一首

元稹一首

賈島一首

劉得仁一首

李洞二首

張祐一首

方干一首

項斯一首

周賀一首

溫庭筠一首

張喬一首

李遠一首

陳陶一首

裴說一首

沈佺期一首

劉長卿一首

劉禹錫一首

哭妓

楊炯一首

宋之問四首

張祜一首

溫庭筠一首

皇甫冉一首

李羣玉一首

韋莊五首

送葬

張正見一首

庾信一首

王褒二首

唐太宗一首

顧況一首

劉長卿一首

皇甫冉一首

權德輿一首

陳羽一首

唐彥謙一首

羅隱一首

哭人

哭李商隱二首

崔珣

成紀星郎字義山適歸高壤

又玄集作黃壤

抱長歎詞林枝葉

三春盡學海波瀾一夜乾風雨已吹燈燭滅姓名長在
齒牙寒只應物外攀琪樹便著蛻裳上絳壇

又玄集作
蛻衣上玉

壇

二

虛負凌雲萬丈才一生襟抱未曾開烏啼花落人何在
竹死桐枯鳳不來良馬是因無主踠舊交心為絕絃哀
九泉莫嘆三光隔又送文星入夜臺

哭陳陶

三百四卷重出題
作哭張籍司業

張喬

弔前水部賈員外

籠中江海禽，日夕有歸心。
魏闕長謠久，吳山獨往深。
別時羣木落，終處亂猿吟。
李白墳前路，溪僧送入林。

哭建州李員外

張 蠙

詩名不易出名出，又何為捷到重科。
早官終一郡，卑素風無後裔遺迹。
集作遺愛有生祠自罷羊公市，溪猿哭舊時。

弔孟浩然

前 人

每年疑樵家說孤墳，亦夜吟若重生。
此世應更苦前心。

名與襄陽遠詩同漢水深親栽鹿門樹猶蓋石牀陰

哭建州李員外

曹松

銘旌歸故里猿鳥亦悽然已葬桐江月空迴建水舡客
傳為郡日僧說讀書年恐有吟魂在深山古木邊

弔李翰林

前人

李白雖然成異物逸名猶與萬方傳昔朝曾侍玄宗側
大夜應歸賀監邊山木易高迷故壠國風長在見遺篇
投金渚畔春楊柳自此何人繫酒舡

哭陳庾

周朴

繫馬向山立一杯聊奠君野煙孤客路寒草故人墳琴
韻歸流水詩情寄白雲日斜休哭後一作處松韻一作吹不
堪聞

哭李端

前人

三年剪拂感知音哭向青山永夜心竹在曉煙孤鳳去
劍荒秋水一龍沉新墳日落松聲小舊宅春殘草色深
不及此時親執紼石門遙想淚沾襟

哭方干

杜荀鶴

何言寸祿不沾身，身歿詩名萬古存。
况有數篇闢教化，得無餘慶及兒孫。
漁樵共壘墳三尺，猿鶴同棲月一村。
天下未寧吾道喪，更誰將酒酹孤魂。

哭劉得仁

前人

賈島還如此，生前不見春。
豈能詩苦者，便是命羈人。
家事因吟失，一作盡時情礙國親。
多應銜骨恨，千古不為塵。

經謝公青山弔李翰林

前人

何為先生死先生道日新青山明月夜千古一詩人天
地空銷骨聲名不傍身誰移耒陽塚來此作吟鄰

哭陳陶

前人

耒陽山下傷工部采石江邊弔翰林兩地孤墳各三尺
却成開解哭君心

哭張博士太常

羅隱

前輩倏云歿媿君曾比方格卑雖不稱言重亦難忘諫
草猶青瑣悲風已白楊只應移埋窟泉下對真長

哭僧道

和旻上人傷杲禪師

楊炯

淨業初中日浮生大小年無人本無我非後亦非前
簫鼓旁喧地龍蛇直映天法門摧棟宇覺海破舟舡書鎮
秦王餉經文宋國傳聲華周百億風烈破三十蕪沒青
園寺荒涼紫陌田德音殊未遠拱木已生煙

悼正宏禪師

集作過景空寺
故融公蘭若

孟浩然

池上青蓮宇林間白馬泉故人成異物過憇獨潛然既

禮新松塔還瞻舊石筵平生竹如意猶挂草堂前

傷峴山雲表觀主

前人

少小

一作子

學書劍秦吳多歲年歸來一登眺陵谷尚依

然豈意食霞客溘隨朝露先因之問閭里把臂幾人全

一作憐

哭覺上人

時絆
剡中

釋皎然

憶君南適越不作買山期昨得耶溪信翻為逝水悲神
交如可見生畫香難思白日珠林下空懷步影時

哭靈一上人

嚴維

一公何不住空有遠公名共誰岑山路今時不可行
舊房松更老新塔草初生經綸傳緇侶文章遍墨卿
禪林枝幹折法宇棟梁頌誰復脩僧史應知傳已成

齊一和尚影堂

劉長卿

一公住世忘世紛暫來復去誰能分身寄虛名如過客
心將生滅是浮雲瀟散集作浮雲浮雲往不還悽集作淒涼遺
教沒仍存舊地愁看雙樹在空堂只見一燈懸一燈長

照橫河沙雙樹猶落諸天花
天花寂寂香深殿苔蘚蒼

蒼閑閑

一作深

院昔余精念訪禪扉
常接微言清

集作道親

機今來寂寞無所得
惟共門人淚滿衣

題靈祐和尚故居院

前人

歎逝翻悲有此身
禪房寂寞見流塵
六時行遶空

集作容

秋草幾日浮生哭
故人風竹自吟還
入磬雨花隨淚共

沾巾殘經窻下依然
在憶得山陰問許詢

哭護國上人

張謂

昔喜三身淨，今悲萬劫長。不應歸北斗，多是向西方。舍
利衆生得，袈裟弟子將。鼠行殘藥碗，蟲網舊行牀。別起
十花塔，空留一草堂。支公何處在，神理竟茫茫。

空寂

集作
少林

寺哭元

集作
暉

上人

錢起

悽然雙樹下，垂淚遠公房。燈續生前火，爐添沒後香。陰
階明片雪，寒竹響空廊。寂滅應為樂，塵心徒自傷。

璿公房懷舊

耿緯

遠公傳教畢，身沒向他方。弔客來何見，門人閉影堂。紗

燈臨古砌塵杳在空牀寂寞踈鐘後秋天有夕陽

哭麴上人

前篇題作哭上
象見三百三卷

司空曙

哭陵霄山光上人

于鵠

身沒碧峯裏門人改葬期買山尋主遠壘塔化人遲鬼
火穿空院秋螢入素帷黃昏溪路上聞哭竺乾師

過堅上人影堂逢司空曙 李端

我與雷居士平生事約公無人知是舊共到影堂中

僧如展及韋載同遊碧澗寺各賦詩余落句云

他生莫忘靈山座滿壁人名後會稀展共吟
他生之句因話釋氏緣會所以莫不悽然久
之不十日而展公長逝驚悼反覆則他生豈
有兆耶其間展公仍賦黃字五十韻飛札相
示余方屬和未畢自此不復撰成徒以四韻
為識

元稹

重吟前日他生句豈料踰旬便隔生會擬一來身塔下
無因共繞寺廊行紫毫飛札看猶濕黃字新詩和未成

縱使得如羊叔子不聞蕪記舊交情

哭栢巖禪師

賈島

苔覆石牀新師曾占幾春寫流行道影焚却坐禪身塔

院闕松路

集作雪

經房鎖隙塵自嫌雙淚下不是解空人

題山中故靜禪師

劉得仁

寂滅身何在門人隔此生影懸塵已厚塔種栢初成溪
院秋先雪山堂古有精當時挂錫劍樹老數枝傾

弔草堂禪師

李洞

杖履疑師在房闌四壁蛩貯瓶經臘水響塔隔山鍾

集作

生

鍾乳鴿沿苔井

集作
林果

齋猿散雪峯如何不見性倚

遍寺前松

集作
雙松

哭栖白

前人

聞說孤窓卧化時白莎蘿雨滴空池吟詩堂裏時闌影
禮佛燈前夜照碑駕雪已成金殿夢看濤終負石樓期
逢山對月還惆悵爭得無言字祖師

題徑山大覺禪師影堂

張祜

超然彼岸人一逕謝微塵見想應非想

集作見相
即非相

觀身

豈是身空門性未滅舊里化猶新漫指堂中影誰言影似真

經曠禪師故

一作
稿院

方干

谷鳥散啼如有恨庭花含笑似無情更名換面

集作變
貌難

無休息去去來來第幾生

題永忻寺影堂

項斯

不遇脩寺日無錢入影堂故來空禮拜臨去重添香僧

得名難

一作雖

近燈傳火已長發心依止後借住有隣房

哭聞霄上人

周賀

林逕西風急松枝講鈔餘凍髭亡夜剃遺偈病時書地
燥焚身後堂空著影初弔來頻落淚曾憶到吾廬

重遊東

集作主

峰宗密禪師精廬

前篇作哭廬處士

溫庭筠

百尺青崖三尺墳微

一作玄

言已絕杳難聞戴顓今日稱

居士支遁他年識領軍暫對山松如結社偶因

一作同

麋

鹿自成羣故山弟子空回首葱嶺還

集作
唯

應見彩雲

此詩三百四卷重出今已削去注異同為一作

弔造微上人

張喬

至人隨化往磨滅自堪傷白塔收真骨青山閉影堂鐘
殘舍細韻印滅有餘香松上齋烏在遲遲立夕陽

友人寄道上人逝却酬

道字人玄
集作道明

李遠

蕭寺曾過最上房碧梧濃葉覆西廊遊人縹緲紅衣亂

坐客從容白日長，別後旋成莊鳥夢。書來忽報惠休亡，
他時若肯相隨去，只是含酸對影堂。

西廊

又玄集
作西廂

莊鳥

又玄集
作莊叟

哭寶月三藏大禪師

陳陶

五峯習聖罷乾竺，化身歸帝子。傳真印門人，哭寶衣一
囊窮海沒。三藏故園稀，無復天花落。悲風滿鐵圍。

哭處默上人

裴說

淒涼總幕下香吐，一燈分鬪老輸檜。留閑與白雲挈。

孟曾幾度傳衲不教焚泣罷重回首暮山鍾半聞

哭道士劉無得

沈佺期

聞有玄都客成仙不易祈蓬萊向清淺桃杏欲芳菲縮
地黃泉下昇天白日飛少微星夜落高掌露朝稀吐甲
龍應出銜符鳥自飛國人思負局天子惜披衣花月留
丹洞琴笙閣翠微嗟來子桑扈爾獨返於幾

杪秋洞庭中懷亡道士謝太虛

劉長卿

漂泊日復日洞庭今更秋清集作青楓亦何意此夜催人

愁惆悵客月中徘徊江上樓心如楚天遠日送滄波集作

浪流謝客久已沒微言無處求空餘白雲在容與隨孤

舟千里杳難望一身常獨遊故園復何許江海徒集作此

淹留

傷桃源薛尊師一作道士

劉禹錫

壇邊松在鶴巢空白鹿閑來集作行舊徑中手植紅桃千

樹發滿山無主任春風

哭妓

和崔司功傷姬人

楊炯

昔時南浦別鶴怨寶琴絃今日東方至變消珠鏡前冰
流衝砌咽月影向窻懸粧匣棲餘粉薰爐滅舊烟晚庭
摧玉樹寒帳委金蓮佳人不再得白日幾千年

傷曹娘四首

宋之問

可憐寂寞去何之獨立丰茸無見期君看水上芙蓉色
恰似生前歌舞時

二

前溪妙舞今應盡
子夜新歌遂不傳
無復綺羅嬌白日
直將珠玉閉黃泉

三

鳳飛樓妓

一作伎

絕鸞死鏡臺空獨憐
脂粉氣猶著舞衣

中

四

昔日河陽縣
氛氲香氣多
曹娘嬌態盡
春樹不堪過

感王將軍柘枝妓沒

張祜

寂寞春風舊柘枝美人休舞曲停吹

集作舞人
休吹曲休

鴛鴦鈿

帶拋何處孔雀羅衫付阿誰畫鼓不聞招節拍錦靴虛

集作
空

想挫腰支今來座上翻如醉

集作偏
惆悵

曾見梨園

集作

堂前教徹時

和王秀才傷歌妓

集作
姬

溫庭筠

月缺花殘莫愴然花須終發月終圓更能何事消芳念

亦有濃華委逝川一曲艷歌留宛

集作
婉

轉九原春草萋

集作如嬋娟王孫莫學多情客自古多情損少年

此詩三百十三卷重出前已削去

奉同李蘇州傷美人

皇甫冉

玉珮石榴裙當年嫁使君專房獨見寵頌國衆皆聞歌
舞長無對幽明忽此分陽臺十萬里何處作行雲

和吳中丞悼笙妓

李群玉

麗質仙姿煙逐風鳳凰聲斷吹樓集作空多情草色怨

還綠無主杏花春自紅墮珥尚存芳樹下餘香漸滅玉

堂中唯應去抱雲和管從此長歸阿母

姚集作宮

悼亡姬五首

韋莊

鳳去鸞歸不可尋十洲仙路彩雲深若無少女花應老
為有姮娥月易沉竹葉豈能消積恨丁香空解結同心
湘江水濶蒼梧遠何處相思弄舜琴

獨吟

前人

默默無言惻惻悲聞吟獨旁菊花籬只今已作經年別
此後知為幾歲期開篋每尋遺念物倚樓空綴悼亡詩

夜來孤枕空腸斷
窻月斜暉
夢覺時

悔恨

前人

六七年来春又秋也
同歡笑也同愁
纔聞及第心先喜
試說求婚淚便流
幾為妬來頻欲黛
每思聞事不梳頭
如今悔恨將何益
腸斷千休與萬休

虛

一作
靈席

前人

一閉香閨後羅衣盡
施僧鼠偷筵上果
蛾撲帳前燈
土蝕釵無鳳
塵生鏡少菱
有時還影響
花葉曳香繒

舊居

前人

芳草又芳草故人揚子家青雲容易散白日等閑斜皓
質留殘雪香魂斷逐霞不知何處笛一夜叫梅花

送葵

和楊侯送袁金紫葵

張正見

玄泉開隧道白日照佳城一朝嗟此路千載幾傷情秋
氣悲松色淒風咽晚聲歸雲回谷散

初學記
向谷晚

作還柳背

山輕唯當三五夜壘月暫時明

送靈法師葬

庚信

龍泉今日掩石洞即時封玉匣
摧談柄懸河落辯鋒香
爐猶是栢麈尾更成松郭門
未十里山迴已數重尚聞
香閣梵猶聽竹林鐘送客風
塵擁寒郊霜露濃性靈如
不滅神理定何從

送觀寧侯葬

王褒

蒙羽高峻極淮泗導清源邢茅
廣列地跗萼盛開蕃紛
綸彤爨彩從容瓊玉溫衝飈
闕栢幹烈火壯曾崑疇昔

同羈旅辛苦涉涼暄觀風方聽樂垂淚遽傷魂造舟虛
客禮高閑掩賓垣桂樹思公子芳草惜王孫今辰向郊
郭猶似背輶轅丹旒書空位素帳設虛樽楚琴南操絕
韓書舊說存西靡傷新樹東陵惜故園自憐悲谷影彌
愴玉關門餘輝盡天末夕霧擁山根平原看獨樹亭舉
類聚作
望別村寂寞還蓋靖茫茫歸路昏挽鐸已流歌
歌童行自喧暄言千載後誰將遊九原

送劉中書葬

前人

昔別傷南浦，今悲去北邙。書生空託夢，久客每思鄉。
寒近邊雲黑，塵昏野日黃。陵谷俄遷變，松柏易荒涼。
題名無復迹，何處驗龜長。

望送魏徵葬

唐太宗

見初學記

閭闔揔金鞍，上林移玉輦。野郊愴新別，河橋非舊餞。
慘日映峯沉，愁雲隨蓋轉。哀笳時斷續，悲旌乍舒卷。
望望情何極，浪浪淚空泫。無復昔時人，芳春共誰遣。

送柳宜城葬

顧况

鳴笳已逐春風咽
匹馬猶依舊路嘶
遙望柳家門外樹
恐聞黃鳥向人啼

送開府姪隨故李使君旅櫬却赴上都

劉長卿

征西諸將莫如君
報德誰能不顧勲
身逐塞鴻來萬里
手披江草訪孤墳
擒生絕漠臨

集作
經

胡雪懷舊長沙哭

楚雲歸去蕭條灞陵上
幾人看葬李將軍

送魏六侍御葬

皇甫冉

哭奠寒郊外行將何所從
盛曹徒列柏新墓已栽松
海月同千古江雲復幾重
舊書曾諫獵遺草議登封
疇昔輕三事常期老一峯
門臨商嶺道窻引洛城
鍾應積泉中恨無因世上
逢招尋偏見厚踈慢亦相
容張范唯通夢求羊求仲羊仲二人也永絕蹤誰知長
卿疾歌賦不還印

觀奠者

權德輿

塗芻隨晝哭數里至松門
貴盡人間禮寧知逝者魂
笳簫出廣集作古陌煙雨閉寒原
萬古皆如此傷心反不言

觀朱舍人歸葬吳中

陳羽

翩翩絳旄寒流上行引東歸
萬里魂幾幾州人臨水哭
共看遺草有王言

咸通中始聞褚河南歸葬陽翟是歲上平徐方
大肆慶賞又詔八品錫其裔孫追叙風槩因

成二十韻

唐彥謙


冊府藏餘烈皇綱正本朝不聽還笏諫幾覆綴旒
桃咫尺言終直愴惶道已消淚疑心傳位日揮涕授遺朝飛

燕潛來趙黃龍豈見譙既迷秦帝鹿難問賈生鵬穆卜
緘滕祕金根轍跡遙北軍那奪印東海漫難橋羅織黃
門訟筮簧白骨銷炎方無信息丹旄竟淪漂邂逅江魚
食淒涼楚客招丈忠徒謚議子邠但簫韶未見公侯復
尋傷嗣續凋流年隨水逝高誼薄層霄柱石林公遠鱣
緗故國饒竒蹤天驥活遺軸錦鷺翹近者淮夷戮前年
作馬調始聞移北墓兼議蔭山苗聖澤覃將溥真魂喜
定飄異時窮巷客懷古設成謠

淮口軍葬

羅隱

一陣孤軍不復迴，更無分別只荒堆。
莫言賦分須如此，曾作文皇赤子來。



文苑英華卷三百五